

中國地方志集成

浙江府縣志輯⑮

光緒嘉興縣志

江蘇古籍出版社 ● 上海書店 ● 巴蜀書社

中國地方志集成
浙江府縣志輯⑮

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二六七元

責任編輯 盧建幸
王海浩

封面設計 范一辛

1993年6月第1版 1993年6月第1次印刷
ISBN7-80569-826-0/K·121
沪新登字119号

嘉興縣志序

嘉興爲浙西望縣明宣德以前縣境遼濶後用胡大理議析置秀水嘉善畫城中地盡隸秀水而邑人士之錯城以居者反僑寓秀地焉以領治而城中無片壤亦他郡所無萬厯時有勦議以府前河爲兩縣分界者事不果行是不知變通以宜民也

今上御極之十有六載余以菲材承乏縣事甫下車邑紳以重修縣

志請余惟郡縣志乘卽封建時列國史官之遺體例無不備如卷首恭載

天章

資本紀體也圖說星野天文志中事也疆域山川城池關隘地理

嘉興縣志

序

志中事也風俗祥異五行志中事也學校祠祀禮儀志中事也戶口田賦倉儲漕運食貨志中事也農桑水利溝洫志中事也鄉約保甲兵防驛遞刑法志中事也以及人物爲馬史列傳之遺藝文又班劉著錄之例類此者不勝枚舉故典章法度不明全史之通裁不可以爲志昔章實齋氏以方志爲國史之要刪豈虛也哉抑余更有說者夫纂述之家喜炫已長一書繼起私相掎擊每見修志家指摘陳編不曰體裁荒漏則云攷覈廢疏後復攻前何關典要其實狙公顛倒三四初非大相徑庭未必新志皆優而舊志盡劣也舊志所有新志重複載之其筆削之善否初未暇辨而舊志所未及登新志必有增益則舊志或棄

如土直矣夫索綬春秋端資邊濶常璩國志半襲譙周則一方之書不能無藉於一方之記載章章明已嘉邑有志權輿於明天啟初至崇禎十年告成是爲湯志旋毀

國朝康熙間何志繼之縣叢粗具拮據夢如可据者僅司志耳司志修於嘉慶六年體例頗善願嘉慶迄今時閱百年人事遞增文獻委積雖有許府志爲先馬之導而網羅所及遺漏尙多爬梳而接輯之其亦艱乎爲力哉今諸君子有志於斯竊謂宜依司志之舊例參以許志所新編斟酌損益斷不肯乎全史通裁以備異日 國史之要刪亦不朽盛業也因捐千金以爲之倡并延石紳中玉吳紳受福主其事而粗爲之發其凡焉

嘉興縣志

序

光緒十七年署嘉興縣知縣南豐趙惟嶠撰

嘉興縣志凡例

全書義例大致以司志爲宗間有異同特爲拈出起例於左
司志每門必冠以小序然分門別類義取大同非一志所獨故
逕刪不用其別有說者則於卷末加案語或子目下以小字
注明之

志莫重於圖故舊志有稱圖經有稱圖記者司志縣境圖僅舉
大綱束於版幅往歲設輿圖局開方測量縣各一圖頗見詳
晰今據以改刊但未能縮小以就範圍嘗見嘉善志於總圖
外所轄二十區區自爲圖尤稱周而吾邑向分十一都嘉
會曰長水曰大彭曰白苧曰在南曰胥山曰移風曰里仁曰

嘉興縣志

凡例

感化曰德化曰永豐初擬一都分繪一圖而犬牙相錯剖析
綦難蓋有志未逮也烟雨樓規制未復增新圖志見在也陶
甄講舍近剏復廢沿原名志始基也餘依司志舊圖

各門有昔分而今并者形勝附建置門關隘附城池門街衢附
坊巷門坊表附園宅門保甲鄉約附戶口門以諸目寥寥數
葉本不成門也

各門有昔無而今增者田賦後附土客交涉兵防後附水師及
中外交涉皆時政切要關繫地方者歷代兵事司志隸外紀
今亦附入兵防門

司志職官表武秩載副將都司而縣屬各汛把總外委轉置不

錄奚免闕典今案副將都司猶文秩中知府同知也應入郡
志茲刪去而補縣屬之三汛第舊牘經焚盡毀末由查補祇
載同治以來

志人物必詳里居疆域混淆借才異地識者嗤焉司志不載吳
之朱桓朱異晉之顧榮唐之陸元方象先以數人者史著吳
入居里邱墓無證故也又謂唐之顧謙宋之謝國光元之陸
德方華亭人也宋之趙孟堅元之陸正海鹽人也皆不必存
今案舊志陸景倩景融伊列卽象先弟陳之張種伊孝史亦
僅稱吳人宋之衛涇衛湜華亭人而徙居崑山者其園宅均
至正崑山志元之衛培伊文卽涇曾孫周斐石門人明之常士昌

嘉興縣志

凡例

二

祖籍海鹽孫支立籍嘉善父錢嘉徵子泮以仁和籍登賢俱
麟籍嘉善均伊義俱平湖人吳天泰及施謚伊孝陳
海鹽人洪梁陸光岳均伊義俱平湖人吳天泰及施謚伊孝陳
恪伊文俱秀水人周宗彝海甯人居硤石司志亦謂非吳國
倫興國人其祖墓雖在嘉興已閱數世國朝褚菊書賀方來
子光烈籍桐鄉孫王汭及汪鉉朱振祖陳向中三人均府劉
基輩仍秀水籍志文苑
孝子府志俱秀水人或本貫可稽或居址可考概不濫登至
同郡人遷此者若秀水之呂與黃平湖之屠與孫桐鄉之馮
里第確在吾邑既不得外之爲寓賢則仍分刊各傳祇敘大
畧其子若孫或附焉但不殫述以他邑志有傳可詳考也後
人有入嘉興籍仍別爲傳間有未入籍而他邑志失載者偶

書一二以免湮沒又若宋之朱象先翰墨偶留並非寓公則
逕刪之宋之陳晷僅載仕履明之鈕正何志伊亦然已見選
舉表傳亦從刪且鈕以從靖難功得官志中多列建文死事
諸臣薰蕕何堪同器乎此外前志有傳未敢或遺惟事蹟可
旁采者間損益之詳畧容或微異至增立各傳其在司志以
前注補纂近代則注新纂示有別也分門偶有移易必注其
下以清眉目

國初名流聚於梅里寓賢一門多出其中秀水朱竹垞檢討亦
由郡城徙居梅花谿上既不得與寓公並列便當登之正傳
顧舊志未收今亦仍之不敢援例攀引恐蹈爭墩之嫌也

嘉興縣志

凡例

三

網羅遺獻意取表彰各傳有增無削固已第史傳賢姦並列以
朝政得失國運治亂所關不可闕也郡邑志則書善不書惡
雖下至一節之長一藝之微亦必無悖名教始足信今而傳
後前明王啟赤城會通記有疵官鄉修二門嘉靖江西志
編姦充一門嘉靖廣東志增罪放貪酷二門雖取創懲究
傷忠厚何志收金之俊於國初名位雖顯身事兩朝況籍隸
吳江本區戶版司志攢而不錄是也而舊志於列傳收宋莫
澤文苑收宋康與之藝術收明談相伊不今攷莫為史彌遠
鷹犬康黨秦檜談亦猥鄙闕茸故並削之不敢附和以惑觀
者

凡非土著及制行有虧之人傳既削去而選舉表中羅列一仍

其舊蓋事不必書而名不容沒所以還舊觀備參攷也至傳
首各用標目敢援史例以便檢尋

咸豐庚申粵寇陷城殉難者衆新修各志特立忠義一門茲仍
其例凡時與地之確有可指者均為立傳餘亦備書姓氏於
後至前代死事之人則入正傳不以系清

列女中貞孝節烈司志為婦為女類聚羣分復分已旌未旌不
免繁瑣今量加裁減而申其說於子目下方

諸家著述司志於藝文外別立經籍一門依經史子集分纂而
中又析以子目品類紛繁且一人之書散隸各目繙檢易淆
茲統入藝文而以書目列為下卷就時代先後纂輯不分四

嘉興縣志

凡例

四

部各隨其人蟬聯而下庶便檢查閩秀方外附焉惟涉彼教
之書不錄又郡志此門分部而不分縣所著之人未注何籍
苦無可稽茲僅就所知者采之局于見聞疏漏必錄拾遺補
闕是所望於高明

至元志多采碑碣實後來志金石之濫觴郡治以嘉興為首縣
而在城地屬秀轄不能無別茲金石一門釐為三卷各申其
說於每卷之末

昔陸清獻公作靈壽志寺觀刪而不載以為闢邪崇正章實齋
氏譏其迂而無當固也至明黃佐廣西志以寺觀列外紀云
闕異端而仙釋仍入列傳則自亂其例矣今仿明郭棐廣東

志例寺觀釋道編爲外紀似較允協

司志版式全書頂格最爲古雅今從伊許兩府志者但取緝檢
醒目耳列女傳標題夾注有似類書知不免爲大雅所譏

嘉興縣志

凡例

五

嘉興縣志目錄

卷首一

天章

卷首二

恩賚

卷一

圖說

卷二

建置形勝附疆域星野

卷三

嘉興縣志

目錄

城池關隘附坊巷街衢附鎮市橋梁

卷四

公署

卷五

學校

卷六

壇廟祠宇附

卷七

山川

卷八

古蹟 名勝

卷九

園宅 坊表附 冢墓

卷十

戶口 保甲鄉約附

卷十一

田賦上下 土客交涉附

卷十二

蠲卹上下 養育附

卷十三

嘉興縣志

目錄

漕運 倉儲 鹽法 驛站

卷十四

兵防 中外交涉 歷代兵事附

卷十五

水利 農桑

卷十六

物產 風俗 祥異

卷十七

官師表 附表 官制附

卷十八

名宦

卷十九

選舉表一

卷二十

選舉表二

卷二十一

列傳一

卷二十二

列傳二

卷二十三

嘉興縣志

目錄

列傳三 忠義

卷二十四

列傳四 孝義

卷二十五

列傳五 文苑

卷二十六

列傳六 隱逸 寓賢

卷二十七

列傳七 藝術

卷二十八

三

列女 貞孝 義烈 壽母

卷二十九

列女 節婦一

卷三十

列女 節婦二

卷三十一

藝文一

卷三十二

藝文二

卷三十三

嘉興縣志

目錄

四

藝文三

卷三十四

藝文下

卷三十五

金石上 金石中 金石下

卷三十六

叢譚

卷三十七

外紀

卷末

舊序

嘉興縣志

目錄

五

嘉興縣志卷首一

天章

聖祖仁皇帝御製詩

禾中道上 康熙二十八年

兩岸人家半種桑雨中入望盡蒼茫民間本業惟農織愛看山
邨共水鄉

浙省道上書懷 康熙三十八年

徧野農桑繞翠旌畦邊童叟帶雲耕江山盡是昇平日寸晷難
忘終始晴

桑林乍綠蠶事方興詩以嘉之

嘉興縣志

卷首一 天章

彌望桑林吐葉垂枝嫩碧初勻竹舍正殷蠶務天工雨露維均
曉發嘉興

數里城依水千門路向田榮勝無近遠桑岸互縣連土沃勤爲
最年豐儉欲先雲開林野秀初日上行旂

高宗純皇帝御製詩

入浙江境 乾隆十六年

午臨於越曉句吳一水何曾易舳艫爾界此疆人縱別民胞物
與我宜殊敢忘求瘼心常切且喜行程春與俱萬姓尊親盈蹕
路豈辭膏澤以時敷

煙雨樓用韓子祁詩韻

春雲欲泮旋濛濛百頃南湖一棹通迴望還迷堤柳綠到來纔
辨樹梅紅不殊圖畫倪黃境真是樓臺煙雨中欲倩李牟攜鐵
笛月明度曲水晶宮

司志謹案前詩一首恭奉宸翰勒石於煙雨樓

舟過嘉興

徐牽錦纜過嘉禾隱隱時聞欸乃歌漫陟高樓傳八詠獨欣舊
館號三過油花香入青蔥町毛芷新浮澹池波夾岸桑林數十
里果然蠶事此邦多

賜題夜紡授經圖 乾隆十七年

索觀錢陳羣香樹集有題其母夜紡授經圖慈孝之意惻然

嘉興縣志

卷首一 天章

動人且以見陳羣問學所自來也輒成二絕句題之

篝燈課讀澹安貧義紡經鋤忘苦辛家學白陽諳繪事成圓底

事待他人 陳羣母陳氏善畫

五鼎兒誠慰母貧吟詩不覺鼻含辛嘉禾欲續賢媛傳不愧當

年畫荻人

賜錢陳羣歸里時陳羣有反穀之疾詩以寬其意

三尸素所減二豎胡爲作子告遂頤和還鄉願如約

浙江嘉禾名遠 陸辭意懇款請詩應允諸憐汝身日羸壯汝神猶鑠達生

有至論庸醫無大藥辟穀方赤松先難後原樂

錢陳羣養痾歸里進途中所作詩因用其會錦春園和杜韻

詩率題書賜

北海惟客待

錢陳羣詩因孔傳檀招遊而作故云

杜陵詎身謀勝會開名園新詩

步秦州猶記陞辭時流火方新秋何事大江北開尋谿壑幽養

疴許謝莊遁跡非田疇故鄉山水佳藥餌頗易求願攝冀良愈

待泛還朝舟江頭有錦春何妨一命遊几杖兒孫侍樽核賓從

稠江湖信可樂廊廟豈忘憂遲遲有深意欲邁還停收況彼五

畝間卷阿我曾留卽是矢音地扈廣憶從頭詩倘附奏箋翰苑

傳風流故知解脫心疾等浮雲浮從茲一葦南遙望心與悠

司志謹案前詩四首錢陳羣恭摹宸翰勒石於家

入浙江境 乾隆二十二年

嘉興縣志

卷首一 天章

三

輕舟曉日別吳門川路溪煙漾晏溫柳葉青籠雞犬社菜花黃

入芒蘿村連江頓覺民風異轉壑都關吾意存恩沛寧無需再

沛疇咨大吏悉心論

過嘉興府城

接境金閶卽秀水此豐彼歉理真無旋知大吏爲屯澤肯使斯

民歎向隅

前秋南省偏災江浙接境江蘇請賑之地頗廣而浙省報災獨輕且全遺嘉郡因特命加賑溝壑

流離期普濟閭閻氣象幸微蘇城鄉輾轉從來異不獲吾猶厘

一夫

題煙雨樓

楊柳磯邊繫畫舟六年清蹕重

去聲來遊素稱雨意復煙意漫數

處州還河州 名勝志煙雨樓有三一卽此詩句還從畫間得雲

煙雨樓卽景

不蓬萊島卽方壺弱柳新美清且都煙態依稀如雨態

是日晡晴和

湖消息遞西湖自宜春夏秋冬景何必漁樵耕牧圖

士民有陳漁樵耕牧

圖者故

戲及之應放晴光補疇昔

辛未至此煙霧中頗不見遠

奇遐畢獻興真如

司志謹案前詩二首恭摹宸翰勒石於煙雨樓

錢陳羣田園雜興十首書以賜之

庸醫望問覓形聲氣餉三閭病豈成我令歸田靜調攝精神竟

得復平生

嘉興縣志

卷首一 天章

四

愬恩過隙白駒催聞道家居七袞開蹕路迎變多舊侶就中頗

喜此人來

村舍何妨門縛柴逃禪時有野僧來惟應戀闕心如炷辨色趨

朝心未灰

前歲災鴻實弊勞賑賑南望首徒搔相逢爲問民蘇未巡狩寧

因問柳桃

開年正可墾春畦更喜柔桑葉漸肥勸穡課蠶林下事豈能高

枕說閒歸

武原舟放莫敦遲

見陳羣詩

煙雨樓前煙雨微檢得石湖詩卅首一

時廣韻興軒飛

陳羣詩本和范成大田園雜興三十首之十也

溪上風來料峭寒春衫也覺切肌單笑伊何故朝衣典鄉俸從
今志可寬命如沈德潛例在
家食俸故感及之

世族錢塘嫡派錢禦兒遷里是何年淝湖淼淼澄明水可養胸
中一片天

溪雲欲泮柳煙低柳外青帘颺影飛新壓糟牀春酒熟換沽可
解帶腰圍

炊黍何難尊與蕊怡情桃李繪薰醺今來扈蹕權教直可忘螭
頭珥筆供

司志謹案前詩十首錢陳羣恭摹
宸翰勒石於家

傲文徵明疎林茆屋圖賜刑部侍郎錢汝誠乾隆二十四年

嘉興縣志 卷首一 天章

五

元季四大家惟倪迂筆法最稱澹遠衡山此幀夢意入肖幾
暇展閱背臨一過并用元韻系以長句聊誌雅懷

消閒戲墨勝分茶詎論倪黃各擅家楓岸卻如吟小杜茅齋雅
稱讀南華度橋詩意行勝草映座生春佛鉢花古樹幾梢煙靄

澹晚來隨分噪歸鴉

偶為橋梓圖賜錢陳羣疊舊作韻乾隆二十五年

重五日陳羣書和賜其子汝誠書畫扇以進蓋欲之而不敢
言陳羣老矣不可使因此鬱鬱於懷促成是幅並疊舊韻賜
之不復計筆墨之工拙矣

南國應嘗穀雨茶進頭書自述初家貢來卻好臨蒲節賜去無

須寶墨華教寄北山聊自梓即付其
子寄去漫參西土擬拈花高年已
覺多男累陳羣自云如
是即以前之莫逐東風更羨鴉

司志謹案前詩一首并畫錢陳羣恭摹
宸翰勒石於家

錢汝誠錄西巡舊作小冊以進口號調之乾隆二十六年

汝誠此意我先知正是催詩非錄詩庚午數過丙寅倍丙寅冊
得詩八
十七首庚午計得至一百八十
九首茲行亦不欲減其數也 倍斯何必可虛其

沈德潛錢陳羣來接走筆成什書之各賜一通乾隆二十七年

二老江浙之大老新從九老會中迴身體康強自逢吉芝蘭氣
味還相陪迎隄驀遇以為喜出詩命和羣應推更與殷勤訂佳

嘉興縣志 卷首一 天章

六

約期預定復登金臺二人皆云朕六旬時德潛當九十八陳
羣當八十七必皆入京叩賀亦笑許之

入浙江境

一水原無異兩疆頓爾分行春三月近迎駕萬民紛瞻就寧須
禁頌揚非所欣不謀其尊戴保赤益心勤

過嘉興府城

御舟別路溯漕河登陸春城按轡過吳帝經營非舊郭周書假
借得嘉禾戶聞絃誦漸摩善野富蠶桑衣被多博施愧子焉濟
眾民情到處總逢和

遊煙雨樓與莊有恭聯句用石鼎體

御製
淝湖換輕舟載容攜大吏延樓鏡中央

疊嶂圖次第元瓊首締構仲圭足標致名寧詔鴛鴦臣莊有恭
製御利頗擅荷芰謂當煙雨濛乃值春光霽遊目益悅心

對時兼得地青巒識送迎白鳥忘呵避柔桑驗萌芽臣莊有恭
製御繡壤嫌鼓吹耕織入政關鐘磬元音肄樓中舊有錢陳羣書趙孟頫耕織圖詩屏今來
復書朕鍾鐘特老錢筆老健
磬二銘於壁
蒙莊眎蒙翳臣日本近視蒙中陳羣所書幾茫無以對詢樓前虛

豹尾隨今預

鵲頭伺隄桃仁饋紅臣莊有恭

製御渚柳漸凝翠近遠景畢呈吟詠興誠遂何殊侍西清

竊幸迓

嘉興縣志 卷首一 天章

七

南暨遲牽載書船急控催詩轡遇榮三承接臣莊有恭

製御音矢載廣繼頻陰所恆貫屢晴實罕事卻慮誤東作江浙澤國風稱多雨

自渡江句餘總逢晴和雖宜暢
覽實廬農時不無望雨之意

然誠得兩利句餘晴霽實利農田臣知之最悉
三農足冬

雪萬國來輯瑞瞻

天愜眾懷臣莊有恭

製御觀風厘子意陽舒固勝陰月計尤省歲勛爾惟清心體茲共濟

義

敕敬書勒石於煙雨樓
司志謹案前詩一首莊有恭奉

再題煙雨樓

未年丑歲雨經行煙雨都逢副盛名卻訝今番出新樣自過江
後總開晴柳絲牽地折腰舞梅朵烘春笑口迎更上高樓聊極
目水邨近遠望分明

復遊煙雨樓

前度晴中閱春景今朝雨後賞煙光是日細雨即止輕陰猶戀波瀾意

細簾都含花木香

果然名實善相隨百尺高樓悅目時試看幾煙方淡蕩便教不

雨也迷離

煙雨樓疊舊作韻

煙絲冒柳柳絲濛雨意迎人人意通自是雲容盟水態並宜草

嘉興縣志 卷首一 天章

八

綠藉花紅奚稱處枯沔陽彼處州枯山及沔陽州並有總在天

高地厚中耕織圖詩屏宛在樓中有錢陳羣書趙孟頫耕織圖詩屏不殊惇史惕

深宮

哀翰勒石於煙雨樓
司志謹案前詩四首恭奉

過嘉興再和錢陳羣田園雜興十首

接踵迎鑾多頌聲觀民惟愧政無成境臨秀水心聊喜為晤林

居有老生

祝

釐昨歲驛程催九老圖形霽月開便令還鄉願暮齒宣傳不許遠

迎來

稜稜孤鶴瘦如柴圓嶠方壺任往來鶴其性人壽其似曾看劫
火有寒灰

遊山屐總不辭勞遇勝吟詩白髮搔花瀨濛濛春澹澹微曛何
礙暈如桃

春田未致手親畦俸養何妨刺齒肥常把一篇宏景傳殊途要
欲有同歸

三月違如三歲遲詩裁前席辨精微雖然賜杖何須杖見說香
山步似飛

昨命九老就香山遊讌以副嘉會先期並有賜杖

薄試春寒冬更寒吾民寧乏有衣單定當剴切陳民隱莫飾其
辭斬意寬

嘉興縣志

卷首一 天章

九

結屋江鄉不費錢雙槐門巷蔭多年樸洎生計耕還織淡蕩心
情水與天

樓頭煙雨望中低早見書屏健筆飛

煙雨樓有陳羣書趙孟頫耕織圖詩屏

新署

頭銜榮晚節定知家慶子孫圖
鄉味休耽葦與菰行時韶令正芳醴爲吾數日隨清蹕可負湖
山佳景供

司志謹案前詩十首錢陳羣恭摹宸翰勒石於家

竹根如意

錢陳羣所進既成是什復郵致令其和之

乾隆二十八年

首曲非由燥火成天然適是裁去聲金營匠人雕飾緣工巧高士
指揮愛格清有節更看文以責從心不踰矩斯貞本宜賜與齊

賢器摘藻翻因獻憲卿

石芝 乾隆二十九年

說文珊瑚生於海本草又稱生海中磐石上白如菌一歲變
黃二歲變赤此石芝似之豈火樹所未變成者耶蓋錢陳羣
所進而非東坡折食之物也率爾題句並驛令知之

還鄉未下海中羅

陳羣故里嘉興有還鄉河假借用之

石菌居然致則那蒸出歎

非好子厚夢遊幻亦異東坡芳甘漫擬雞蘇味斐郁宛同鳳尾
娑何必賤瑇珍鎮玉他山原待琢兮磨

司志謹案前詩二首并畫錢陳羣恭摹宸翰勒石於家

題錢陳羣進伊祖瑞徵所篆瑞日祥雲和風甘雨章 乾隆三

嘉興縣志

卷首一 天章

十

十年

迎春帖子進南方先以家傳古篆章瑞日祥雲兆歲美和風甘
雨卜農慶休徵敢謂時斯應善頌還嘉規不忘願其吾民沐新
祉春祺嘒嘒萃方昌

沈德潛錢陳羣來接因成是什仍各書一通賜之

二仙仍此候河濱三載相睽意更親郭泰李膺一煙舫

二人同舟而來

沈期錢起兩詩人飄然白髮都還健瞭爾青瞳自有神筆力年
華雖共老載賡知復倍清新

入浙江境

一川不異舟兩省頓分郵風俗漸因別桑麻較更稠春晴真是

暢三載忽如流祗覺民情切惠鮮可忘謀

遊煙雨樓卽景雜詠四首

煙雨今朝煙雨無眺吟暢好不模糊菜花黃映麥苗綠所喜猶然在此乎

卽景無過遣與題過譽老筆注金鏡

樓中錢陳羣書舊作並樓賦語張壁頗覺過譽

前一對玉蘭樹直與樓簷開並齊

近涯野艇不譙訶漁樂憑看樂若何訝似天孫機杼張

去聲錦端

來往織仙梭

船泛春波天上坐樓稱煙雨霽中來韶光陶冶無先後庭際辛

夷盆裏梅

嘉興縣志

卷首一 天章

十一

題煙雨樓

岩崑無地起樓臺一棹宛從鏡裏來問孰宜煙更宜雨合稱惟

柳復惟梅韶光艷裔爲屏匝漪影空明映座開錢趙王孫詩與

字樓中有錢陳羣書趙

卻因吟翫久延陪

孟頫耕織圖詩屏

司志謹案前詩五首恭奉宸翰勒石於煙雨樓

遊煙雨樓與莊有恭聯句疊前韻作

製昔茲撫土臣今爲隔省吏

前年調莊有恭撫蘇仍就近兼管海塘事務

仍攜因閱塘

叨陪逾及第

臣昔蒙

特拔巍科茲再荷

嘉禾奉

清娛高樓挹佳致花繁雙樹玉

臣莊

製香凝千頃菱名循慮煙雨

近頗

實惠快晴霽何處不籌農

所喜無棄地就瞻

禁譙訶蹴踏

敕趨避

萬姓歡迎環擁左右者或踐及菜麥每

上不令訶蹕其趨隨論避之亦勿顧也

藹然衢謠

盈

臣莊有恭

製翁若天籟吹頗喜新政觀莫忘舊學肄行當侍左右

已授有恭刑部尚書

協辦大學士仍令在內廷行走

頓爾豁障翳簿書幸寬程筆札願謹伺

撫時值風和

臣莊有恭

製延遠勝山翠

嘉興境內無山憑眺益遠

一天景越期四鄰望俱遂澄波識魚

樂董其昌魚樂國勒石樓前

嘉興縣志

卷首一 天章

主

厚澤欣眾暨滌湖正

迴權秀溪

橋名復

控轡

是日

上迴舟即乘騎數

萬千氣象呈

臣莊有恭

製百二春光繼

二月

攬結敢恣興遊豫無非事明將鹽官駐

總

厘海寧利北漲常安瀾中開必表瑞

北岸漲沙益遠則中小壑故道自可復開

聖仁感

天仁

臣莊有恭

製子意視民意翹心緬四巡睫眼又三歲載賡非玩物懷哉惟展

義

司志謹案前詩一首莊有恭奉
敬敬書勒石於煙雨樓

賜錢陳羣

王帖一旬猶過之義之帖足下今年政七十未迎喜重聲去晤龐耶陳羣今年八十歲故云

眉杖朝足領羣仙列從政仍教一子隨陳羣子汝誠適扈蹕來商摧古今

關治亂咨詢風物度瀉瀉我閒卻是卿無暇合為催賡攬勝詩

再遊煙雨樓

南去北還半月餘
游湖樓閣祇猶初
墨辛夷縱花全謝
紫碧桃

方朵艷舒是處見紫碧桃花方鮮波態含煙欲藏舫雲容釀雨正如車循

名奚要惟晴好在
在盤簞與夢鋤

宸翰銷扁敬懸於煙雨樓
司志謹案前詩一首恭奉

嘉興縣志 卷首 一天章

三和錢陳羣田園雜興詩十首

詩篇來往達音聲
前席尤欣晤
齊成曰善頌卿思古者不忘規

我廛民生

肩輿弗許遠迎
催喜過新年
八表開民數無央
觀鑾路就中遙

識地仙來

清短身如愚也
柴富年給杖重去聲
扶夾相逢一別三年話不覺

金貌象已灰

問汝林居更底勞
每逢廣韻首應搔
陳羣雖居林下每得新作常和韻以進故以此句嘲

之即今三疊田園興一例還當報木机

詎必鄉田藉自畦
潤身願以德充肥
不妨春冷常朝出或遇山

佳定暮歸

晏眠誰斥入朝遲
娛老那虞生理微
子貳地官身里俸豈同寒

士論潛飛

鄉居想復濟貧寒
未肯君恩身受單
更有餘閒問風景南湖春

水映心寬

老伴詩人沈與錢
清詞麗句答芳年
為詢北阜竹梅月何似南

樓煙雨天

于公門巷豈嫌低
歸省還聽琴轡飛
依蹕卻因勤供奉肯教婦

子一家園陳羣以老侍從迎鑾後即隨扈行在特命其子汝誠先還家侍母俾得歡聚庭闈

石湖高致寄冬菰
潤筆應知藉酒醴
三十首中和十首范成大田園雜

嘉興縣志 卷首 一天章

興本三十首陳羣
所和三分之一也
想因詩興偶然供

宸翰勒石於家
司志謹案前詩十首錢陳羣恭奉

題女史陳書畫頁十種
乾隆三十一年

古木修篁

子昂題句仲姬畫
元時管道昇畫多有趙孟頫題此冊乃向書錢陳羣母陳書所畫每幅俱有其父錢綸光

故不減趙管云
頗有今人似昔人
幾個修篁依古木
龐公高蹈別傳神

蘿荷霜蕊

畦蔬小摘供盤飧
髮齒葡萄頭與菜
根咬得此中無限味
寫將清

白示兒孫

僊果珍禽

飛來珍鳥自棲枝欲啄垂瓊意且遲淡墨淺深分向背清風林下有如斯

雜果 楊梅 枇杷 桃

楊梅酸與露桃甘可做尋常世味參一例琵琶彈別調前三三卽後三三

眠犬

一團烏玉臥婆娑似解黑酣樂趣多如此寔眠不吠盜主人畜爾意云何

蝴蝶鳳仙牡丹

嘉興縣志

卷首 一章

五

嫋嫋嫋嫋態各奇軟紅芳綴一絲絲采香欲識春駒意好是花叢未入時

怪石古柏

怪石硯礪古柏森煙霞之表結同心錦官城外如相見用陳羣父綸光題定是曾經老杜吟

春溪水族

青青弱藻詠魚蝦幾片輕紅貼落花試看春溪圖越若豈殊秋水對南華

梅溪

清溪月影一輪孤屢屨人眞號弄珠若問詩中傳作者不於高

啟在林逋

花籃

幾般寒卉簪籃裝不是春園桃李芳珍重齊眉若合璧自應綿慶繼書香

此冊爲錢陳羣父母手澤貽留今陳羣欲登之石渠以永其年朕思石渠所藏陳羣母各種畫頗多不忍更留此因各題一絕仍以賜陳羣俾其家什襲爲傳世之寶並命金廷標做寫成冊錄原題收入石渠藝林當增此一段佳話也

朱碧山銀槎歌

彝尊長歌詠雙觥朱彝尊銀槎歌中有可憐雙觥今成錄之句蓋亦知本有二也一成壬寅一

嘉興縣志 卷首 一章

六

乙酉鑿落銀器誰所爲乃出朱氏碧山手西者展轉入孫家承寅者宋氏琬所珍守一時豪客醉流霞快寫牢騷闌吟口率徵

故事稱張騫漢書不識曾讀否彝尊及宋琬施閏章輩賦此題有騫窮河源事不言其浮槎天漢也惟博物志載海渚人見有浮槎去來不失期乘之至一處見織婦及牽牛人還問嚴君平對以某月日有客星入牽牛諸人益沿漁洋居易辨頗精先得荆楚歲時之說而於漢書未加深考耳漁洋居易辨頗精先得我心是此更既考漢書辨乘槎非張騫事復閱王士禛居易錄云數典未當且援拾遺記貫月有球之槎格實奇乃自孫藏非槎事以證之辨訂頗爲精覈宋有雕鏤絕藝不重僊諸人麗句早精剖偶因博古一致評置之弗用戒旨酒

錢陳羣進銅如意因成口號 乾隆三十四年